

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit.

Si vendin là via da l'Edicoje e là dal Tabachin in Marcaviari, in piazza Contarene e in Borg di S. Bartolomeo

REDAZION: su la fontane di piazza Contarene — AMMINISTRAZION: su la fereade de Vigne  
Per altri **Floreat** al si lassara ciata, quand che covente, in Stamparie Jacob e Colmegue.

Tiradure 4000 coplis.

## Meeting par Floreat

Fin cumò, la pulitiche e jè stade privilegio di ches personis che zirin, dute la mari dal di, di ciase al caffè gnuf e dal caffè gnuf a ciase. Ben intindut che mestri Pauli a se ha simpri gioldude, ridind sott lis moschetis e menand a scuole i fruzz, anco se chesg e han sessant' agns.

Ma dula vadio a finile? Ciars Udines i o soi ancimò fur di mè, par che gran dimostrazion che mi fò fate da lis mes buinis furlanis: dutis bielis frutatis, une mior di che altre. Lor e cognossin il miò debul, e san che jò i uci ben, che o protèz lis pivelis, parè che e mertin, parè che po' dal rest e an dimostrat simpri di jessi gratis a Floreat, di rispèta e di protezilu anco, quanche oeor.

Vignin pur all' argoment. Verameptri no si par bon a di ben di se stess. E jè une vergonze. Jo deventi ross a ve di conta robis che mi riguardin. Ma cemud si fasial? Se al è qualchi mattoide che malamentri al ul scimiotà Cocapieller, fasind des capèlis di gnove date e fasiusi bastonà par fà fevela di se stess, parè no puedio jo legitimamentri conta lis mes gloris, che no son robadis a di nissun, e che o hai la contentezze di di che son propriit meretadis?

Eco dunce il resocont dal meeting che

al è stat tignut, in zardin grand, cheste setemane passade.

### PRESIDENZE

VITORIE (la me Vitorina)

### RAPRESENTANZIS

Ancells dal Redentor (progressistis a la Bille)

Massartis (republicanis moderadis)

Bigatis (republicanis dal petrolio)

Fematis dal latt (moderadis)

Sartorellis (conservatoris a us Turian)

Vitorie. — Ciars frutatis! No altris o sin cà par risolti une grande quistion. Al è ver che si trate di un omp, e che dugg i umin e son birbanz. Ma cheste volte bisugne ch' o dismentein di vè da fà cun lor, cun dutt che quanche nus capitin sott, o parsore, o sin buinis di remenaju ben e no mal. Si trate, come ch' o savès, di Floreat, dal nèstri Floreat, che nus ul ben, nus rispète, nus protèz, in dutis lis manieris. Noaltris e scuognin dunce cori dutis, come une femine sole, a difendi il nèstri Floreat!

Savèso ce che han stabilit? Nujemanco di lassai la covertorie, che i ciol la plui bieie prospetive, che prospetive cha vo altris, come me, e amirais come fa uniche robe util, e qualchi volte necessarie par noaltris, che al vebi un omp. Ciallè ce infamie! Plui acaniti di dugg par cheste conservazion de covertorie al è Vigi-Gabriel, che buine lane, che al si piture dutt quant, par podè danus adintindi ancemò di sei bon di qualchi ciosso.

Al è ver che noaltris e cognossin la biave, s'no si lassin menà.... nome quand che vin vœ; ma par altri mi par che la pudicizie di Vigi - Gabriel e sei dute une fintagine, tant par podè passà, come tang altris moralisg, talians plui o manco, par flor di virtut.

Ma la birbantagine di cheste int no si ferme migo a lì. Lis ancelis dal Rendentor che han tant fatt par Florean, fin di presentà une istanze al Municipi par che i tirin jù la covertorie, e devin spietassi un' altre porcade. Al è par ches che us hai clamadis al *meeting*, e jò us ringrazi di jessi vignudis cussi in tantis a rappresentà dutis lis nestris classis.

La gnove porcade e jè (cuintri la qual noaltris e larin dutis in masse, a cost di fassi copà come tantis gialinis) di olè puartà vie Florean de plazze Contarene e metilu in qualche lug che nol sedi in viste di noaltris e di dugg i bogns furlans che i uelin tant ben. Ma ce disèso voaltris? No us vegnie la piell di oœ a sinli une tal mostruosità?

*(Lis ancelis no puedin sta cujetis, u si remenin, a batin i pis, si sburtin une cuintri l'altre. Lis massaris e credin di ve in man il scòl e si metin in pusizion di dopralu. Lis bigatis e fasin moles come di olè butà tai fornei chei birbanz che oressin fai la uœre a Florean. Lis feminis dal latt e zürin d'ineaju, a fuarze di stagnadis butadis te muse a ches canàis. Lis sartorelis po' e han biell zà lis fuarfis in man, par dopralis dulà che va ben, cuintri i nemis dal plui grand omp che al sedi a Udin.)*

Dunce no altris e sin cull par deliberà une gran proteste cuintri di chesg progezz. Cà no jè question di partis; e jo me giold di viodi anzit rappresentadis dutis lis upinions pulitichis e sozials, e di viodi tal uestri contegno une aprovazion a ce che jo o dis pa 'l onor dal pais. Sì, parcò che si trate dal nestri onor: dal onor di Udin, che chei birbanz di umin e uelin ruvinà. E varin noaltris, che nus disin debulis, la glorie di ve difindut la patric, la storie, e la prerogative fisiche che i nestris paris romans tant e tignivin in pregio. Dal

rest nissun nol pò di ch'o sin noaltris la colpe da la lor impotenze. Se lor, invece di là a fà i mazz ator, di cà e di là, e vignissin a ciase a buinore a fà i siei dovès di bogns maris, nol succedaress mai 'l cas di dovè preparà il pignatt des malvis e qualche altre ciosse.

Lassin là ches argument, par vigni subit a chell che plui impuarte. Jo us viod biell zà che no podès stà in strope; e voressis là dutis intor di Florean, e puartalu in trionfo pes contradis, e dopo tornalu a meti tal so puest. No stait a fà di chëstis monadis! Parcè che Vigi - Gabriel e Gaetan e son bogns intant di fà vigni fur un ciadaldiaul di curubinars e di questurins che us impediressin di tornà in plazze Contarene. E alore patron sior lustro, ce faressiso di Florean? No, no, stin drentri te lezz: e jò us propon un *ordin dal di* che o sperì che voaltris e aprovarès.

## ORDIN DAL DI

- \* Lis feminis da Udin, senze distinzion di partis, unidis in *meeting* e
- \* domandin, e uelin che i sedi tirade
- \* jù a Florean dal Palazz la covertorie.
- \* E protestin altamentri e cun dute
- \* la lor fuarze e cun dute la lor vòs,
- \* cuintri la idèe di puartà vie Florean
- \* dal Palazz de Plazze Contarene.
- \* In càs che i umin da Udin e olessin
- \* meti in vore ches infam progett, e
- \* no tirassin jù la sudete covertorie, lis
- \* feminis da Udin, come uè, e laran
- \* dutis là vie di Vigi - Gabriel e, se no
- \* podaràn giavai un decret second lis
- \* lor intenzions, i giavaràn..... chell che
- \* zà cumò a lui no i zove plui nuje.

*(Ancelis, massaris, bigatis, feminis dal latt, sartorelis, e sberlin come mostris. Come tang demonis i van induess di Vitorie. La ciapin, la bussin, la strangolin. Finalmentri o hai dovut vigni jò a cujetalis, e culis buinis e cu lis ciativis lis hai mandadis a ciase. E cumò che a vegin cuintri Florean se son bogns!)*

## Leterature di Florean.

### Lis brauris dal dottor Faine.

Ateo di profession, par sta in caratar.  
 Al ovela un puest di fabrizir.  
 Quand che al fo drentri, il so prin pinsir  
 Al fò di libera la sante casse.  
 Dal bez che, second lui, and' jere masse;  
 Parce che nol conven che il Tabernacul  
 Des vanitas dal mond al vedi ostacul.  
 Un dis mil, che si sepi, ches contadis,  
 Tes sachetis dal mago sone svoladis;  
 Ma figurinsi ches che no si sà!  
 Fazil intant al è di induvinà  
 Che, essind lis lezz e i zudis margnifons,  
 Nol jere convenient di fà i mincions;  
 E, par no ve il disturb di rindi cont,  
 Cun d'un colpett di man, di dâi un pont  
 Al gran mago Sabin, al remenà  
 Lis ciartis dal archivi; e ognidun sà  
 Che an mance un grum, precisamentri ches  
 Che olevin par podè fà i couz dai bez.  
 E fo scuviarle la spiculazion,  
 Ma al vè l'inzen di tigni sù il balon  
 Finchè la ciosse è lade in presorizion,  
 Par no sceciassi a dovè là in prison.  
 E dopo, cun che juste machiavellioche  
 Che insegne a jessi i prins simpri a sberlà,  
 A i dè dal laris, fals, intae turpiissime  
 A chest e a chell, e a sui la squaccarà  
 Par so dovè; po', muse france e rote,  
*Digniloso disgrezzo delle fote*  
*Della bassa calunnia e bona note!*  
 Cheste, è la scuole dal dottor Faine  
 Dal nobil sang dal barae de berline.

### Corispondenze di Florean.

Clividat, al 1 di Mai.

No puess tignimi di scriviti, ciar copari. Ceustu? O hai bisugne di sfogami, almanco cun te. In ta cheste benedete citat, al par ch'al sedi destin, no si pò nance tirà il fiat. Cà vie o sin dugg piaz pal cuell di ciarte int ch'a mett in vore dutis lis plui bielis invenziions de Sante Inquisizion e ch'a favore di cuarde a plui non posso. E ce zovial? A si pò ben sberlà, ma al è dutt inutil. E son staz bogus di rostinus duquang, e cumò, oii che le ha al scugn tignisse.

S'ò vess di contati dutis lis nainis ch'a succedin chenti a i voress un volum. Ma par cheste volte o nei contentami di cussi.

Lasse nome ch'o ti disi di un truco, ch'al ha fatt ciass di cà e di là dal puint dal dianl. A si trate di une quistion nassude par fotis di nuje, tra di un dottor Uzziell e di un scrittor Gialine. A ciaterin di di par il valor di une peraule. Il scrittor, prudent e savind di ve reson e di ve da fà cun d'un pipinott al si contentà di ridii su la muse a di chell altri. Ma il Dottor, matt, a i

fàs la tire di gnott par bastonàlu. Il scrittor, par no fà querele, cò! i fàs dul, al mi ha preat ch'o ti scrivi a ti. O vares di contati tantis di ches bielis robis de sapienze, potenze e maestat dal dottor Uzziell; ma o pensi che, par cheste volte, al podareass forsi basta chest pizzul avis par fà fà judizi. Se nol bastarà po', alore al ul di ch'o ti squacurarai dutt quant. Mandi.

Gialino.

## Florean in Teatro.

Al teatro Nazional, di dós seris in cà e recite une Compagnie che no jè gnove pal nestri publich e che ha cun sè dai brafs ators e des bravis atricis, che son po' ançe 'ne vore bielis — massime dós che han ciartis vôi, ciartis formis . . . . Baste, lassinlis là . . . . o soi masse . . . . vecio.

Tornand a proposit, cu lis comedis in venezian al Nazional si passe benon un par di oris: si viod, si rid, si si divertiss, e, sore dutt, si 'u spind curts. Figuraisi! nome sessante centesimuss di quartel! Cun di plui, lis comedis e son di ches bufnis, che no fasin durmì; la Compagnie jè brave e lis rapresente cussi ben che di mior no si podareass desiderà; diseimi: ce oleso vè di mior? . . . .

Vait duncè in teatro e dopo, se vares il coragio civil di di che no si ves divertiz, ja peraule d'onor, us depeni dal numar dai miei amis, e o de clari che no ses umin; ma si ben . . . . masanetis.

Gioh! Cheste sere a si dà: *Zente refada*, comedie brillantissime in 3 ats dal venezian Gallina.

Si vidino là vie?

## Da la zae di Florean

Bisugne ch'o scusais se, qualchi volte, o seugn flevè di ciartis robis che . . . che no han bon odor. Ce oleso? a si trate che and'è di chei che, ançe cu la . . . grasse di cristian, a imbrojn il mond.

O saves che in ta ches ciasia indulà che vevin il necessari mal fatt, i al fasè fà il Municipi; e dopo anzi, il paron di ciase al seugn pajà ben salade che fature.

Ben, oleso crodi che un sior, un di chei che uelin fà i parons di Udin, al oblèe qualchi so fitual a fà chell servizi t'un caratell? E dopo, di un murador, so *fac-totum*, al fàs portà la materie preziose, une volte o dos par setemane, tal so biell zardin.

\* \*

E la cumission sanitarie, mi dires voaltris, ce fàsie? Ce oleso! Al par dal impossibil, ma pur e jè simpri che istorie. Chei ch'a fasma e ch'a metin sù lis lezz e i regolamenz, invoe di dà i bon esempi, a crodin di no sei obleaz a rispetaj.

\* \*

Un di chei doi Liutinant de Serenissime, che stan a cucà li parsore dal sott quarti di San Zuan,

so ecelenze Contarini, i diè, usgnott, passade a Florean: « Cioh! varda, mazzao, che un de sti zanni el ne capita quà paron Vitorio a cavalo, che sempre sta benedeta la so memoria! Spero che no te ghe voltarà il mapamondo. Se da tanti ani te me lo volti a mi, e se te ghe lo ga voltà ai pataluchi, che Dio li stramaledissa loro e le loro candele de seo, no importa. Ma co Vitorio no volemo che te fazz de ste figure. » — « Ecelenze benedete, » i rispuindè Florean, « ch'al mi fàsi 'l plase di dial al Sindioh, quand ch'al passe par chenzit. O soi senao anca jò di podè viodi in te muse 'l nestr Vitorio. E ch'a i disi anca di danus, tant a mi che a Vinturin, un par di bragonazz di chel viers, che nol par bon che pus lassin cussì crots tal miezz de piazze, a fa diventà rossis lls frutatis ch'a nus passin donge. »

\* \* \*

In t'una classe, di une androne cà tal centro de ciltat, (vaise a cri), a si ciato a jessi un frutt pitinin, cun t'un bugnon in tes parz plu bassis de schene, (no sai a'o mi spieghi.) In domenie, 29 di avril, la none di chest frutt no podeve capi ce che dal diaul al vess, ch' al fricave d'un continuu. A lu ciapà, i cini par ante la vite e a lu ciatà cun chest gran sgionton là dandr... indula ch'o us bal ditt prime.

Alore i de une palanche a di un altri frutatt par ch'al less a clamà un miedi; ma nol fo pussibil di ciatant nancie un, in nissun lag. E manda, puare vacie, un bigilett t' que spiziarie e po' e stè sù in te domenie di sere fin dopo lls undis a spietà; ma nissun miedi nol vigni indenant, e nancie in dutt il tunis di matine.

Intant chell puar frutatt al si spasmave dai dolors, di fa pietat al class.

Se guai al vess vut mal di murl, al scugnive là al creator senza miedi.

O domandi mo jo: isal nissun ch'al vedi di tignli di voli a di cheste sorte di robie?

## SERVIZI TELEGRAFICI PARTICOLAR di FLOREAN.

**Grizzan, 2 (ore di bati la trussè)** Fameis frutis jentradis Domenie comunion, firmih indirizz a plevan par ringrazià di vè scugnut sta une zornade senze mangià par pajà tassìs, ciandelott e rosas.

**Madrid, 2. (ore nere, nere)** Benemerite Sozietat dal bon umor, che cull disin *Man nere*, cause siei capos lās par qualchi an vilegiature, oir bogna diretors che vedin unmont murbin. Scrivi Sozietat cun referenzis e provis servizis prestas.

**Berlin, 2. (ore di là in... domo)** Guglielmin in gran pinsir torbids Udin che puedin propagassi Triest dula che Bismark ul meti pld. Maravee general Depretis no fàsi meti dugg preson par finile. Se Checo-Bepo no mande cratuats fàus fà judizi. Guglielmin parece za rezi-

ments cavalariè. Fa 'l amor di Dio preajt Che co di sta cujett.

**Londre, 2. (ore irlandese)** Numero uno presentat Pulizie. Declarat jessi inutil plu a la rivoluzion. Spere dutt uestri bon element. Racco mandazioni a Florean tignilu cont e coltivatu.

**Parigi, 2. (Ore.... traviade.)** Mandimi ritratt chei conseirs comunai udines che han cur vota illuminazion citat petrolio. Garantiss metin Museo come grandis raritaz. No piardimi bieie ocasion che no si presente tant facilmentri.

**Pracius, 3. (Ore di tirà la Maine)** Ance noaltris vin confessor ch'al fās domandis stomeos is es frutis. Domandin consei Florean par savè ce che si pò fà.

(Florean s'al vess fies no lls lassaress là a confessasi).

**Rome, 3. (ore di finile)** Checo roman mandat dispaiz uestri Checo congratulazion sos prodezzis. Spere vigni Udin fàl visite personal parò che dubite Checo uestri no vedi timp vigni cull.

**Milan, 3. (ore... di murbin)** Professor Lombros intrigat ve da fà cun täng matoidis. Si lagne che anca Udin dèi contingent. Professor raccomande Florean fà sta a puest matoidis.

(Note di Florean) Che il professor Lombros nol stee a dubità: chei che mi capitin tes mäs o ju rangi di sante reson. E jè propit ore di fà une purghe di clarte int che voress imponenti a la citat cu lls pipinotadis, plu o manco pulitichis. O kai sul scritori tantis letaris sul argoment: un a la volte ju contentarai dugg. Intant ch'a vedin pazienze.

**Milan, 3. (ore... lombrose)** Professor ul subit spedis grande velocitat campion matoidis furlans. Ul fa esperiment par zovà umanitat. Jò rispuindut telegrafi diretamentri Ospedal. No ul savent di sind matoidis stan fur Ospedal. Us prei contenta Professor.

(Note di Florean) O promett di mandà al Professor Lombros el prim matoides che mi capite tes mäs. Oh se jal mandà!

**Rome, 3. (ore di di bausis)** Depretis, mestri in materie, restat di clap sinth come si puedi fa viodi la lune tal pozz, come tal fatt di anunzià che un banchett nol sedi stat, da chell instess che al ha organizzat e presenziat il banchett. Dugg erodin vignarà cuniade apueste medae par inventor cussì bieie grande bausie. Depretis ammirator invenzion stupende, sottoscrift prim par cinquante... centesims. Si previod brillantissime sottoscrizion dugg bausars Italie. Miei complimentz Udin patrie tant omp. Jo proponaress monument.

**Triest, 3. (Ore di gran... buere)** Sozietat veterans todeschs desolade uestri esit elezions Reducis. Jere squasi sigure sconfite avocit Berghinz. Si capiss voaltris no voles intodescassi. E si cumò cause triptice alleanze dovaressis sbassà cial e sberlà *Vive l'Austria*. E se no, *rechts-un marsch in prison*! Saludimi puar Gero, chell de siore batulgie.